

医学六要




西診法序

四診法

張三錫曰。在昔軒岐。惻生民之疾苦。乃探頤索
隱。遡流窮源。垂法以福後世。而望聞問切。爲四
診法。以決陰陽表裏寒熱虛實。死生吉凶。今人
止據脈供藥。欲無不謬得乎。况豪富之家。婦人
居帷幔之中。復以帛幪手臂。旣無望色之神。聽

肝江 金壇

王 世



校 纂



南京中医药大学图书馆版权所有

聲之聖。又不能盡切脉之巧。未免詳問。病家厭繁。以爲術疎。得藥不服者有之。以病試醫。以命試藥。醫復輕視人命。妄舉妄譚。不兩失乎。大抵醫爲司命。若不明辨精察。據的投治。忍心害理。是已非人。非仁人之用心也。今自素問靈樞而下。諸歷代明哲等書。片言隻字。可法者。銓著于左。爲四診法。後之學者。倘肯沉潛翫味。平昔講究明白。診病之際。自如水鑑。

張三錫曰。脈法之難言也。尚矣。經曰。微妙在經。不可不察。察之有紀。從陰陽始。始之有經。從五行生。夫人生兩間。賴二氣五行錯而成。脈亦因之。古今論脈者。原無一定。難經言榮行脈中。衛行脈外。是不離乎血氣。亦不獨指血氣也。陶節菴言。非血非氣。乃榮行之道路。先天後天之造化。然亦非確論。又有言脈爲血氣之先者。本之素問。言脈者血之府。長則氣治。短則氣病。數

則煩心。大邪病進。寸語是也。蓋常論之無極之
真。二五之合而晝夜循環。生生不息。包
羅一身。清氣即一元之大氣也。盈虧遲疾。
動隨氣血。氣血盈則脈旺。虧則脈衰。
寒則行泣。音澁而脈遲。熱則行疾。而脈數。皆有至
理。妙不可言。然而審臟腑于九候。決吉凶于三
指。苟非圓機之士。博古通今者。烏足以語此哉。
自秦越人以來。紛紛議論。強分部位。起于晉之
叔和。復爲高陽生之脈訣。所溷立論。背經遺害。

後世嗣有滑伯人氏診家樞要一出。後世乃以
浮沉遲數四脉爲宗。而該乎衆脉。世亦尠有深
究其奧者。大抵指下妙處在意而不在象。若不
深得諸家之精微。何由得其旨趣。今搜採類集
于左。以爲下手之準則。若夫神而明之。又存乎
人。非言語所可傳者。

錫初讀脉訣。以之診病。有如搏拳。殊多謬誤。每
以此爲恨。乃日夜鑽研。于素難諸名家。改絃易
轍。遵上中下左右表裏斷病。始得其竅。毫髮不

爽邇來復得李月池公脉學一書。熟而讀之。始知脉訣之謬。千載之疑。一旦氷釋。先生詎止有功醫道。萬世蒼生咸賴無天枉矣。

臟腑部位

紹興王曰。診脉之法。當從心肺俱浮。腎肝俱沉。脾在中州之說。王叔和守寸關尺分部位。以測五臟六腑者。非也。

丹溪朱震亨曰。昔軒轅使伶倫截嶰谷之竹。作黃鐘律管。以候天地之節氣。使岐伯取氣口。作

脈法以候人之動氣。故黃鍾之數九分。氣口之數亦九分。律管具而寸之數始形。故脈之動也。陽得九分。陰得一寸。吻合于黃鍾。天不足西北。地不滿東南。陽北而陰南。故男子寸盛而尺弱。肖乎天也。地不滿東南。陽北而陰南。故女子尺盛而寸弱。肖乎地也。黃鍾者。氣之先兆。故能測天地之節候。氣口者。脈之要會。故能知人命之生歿。世之俗醫。誦高陽生之妄作。欲以治病。其不殺人也幾希。龍丘葉氏曰。脈者。天地之元性。故男女尺寸盛。

弱肖乎天地。越人以男生于寅。女生于申。三陽從天生。三陰從地長。謬之甚也。獨丹溪推本律法。混合天人。而闢之。使千載之誤。一旦昭然。豈不韙哉。

吳草廬曰。醫者于寸關尺。輒名之曰。此心脉。此肺脉。此肝脉。此脾脉。此腎脉者。非也。五臟六腑。凡十二經。兩手寸關尺者。手太陰肺經之一脉也。分其部位。以候他臟之氣耳。脉行始于肺。終于肝。而復會于肺。肺爲氣出之門戶。故名曰氣。

口而爲脉之大會。以占一身焉。

李時珍曰。兩手六部。皆肺之經脉也。特取此以候五臟六腑之氣耳。非五臟六腑所居之處也。凡診察。皆以肺心脾肝腎各候一動。五十動不止者。五臟皆足。內有一止。則知一臟之脉不至。據此推之。則以肺經一脉候五臟六腑之氣者。可心解矣。褚儲趙氏不知脉隨五臟之氣行于經隧之間。欲以男女臟腑顛倒部位。執泥不通。戴同父言。褚氏倒裝五臟。丹溪別男女尺寸。草



廬明三部皆肺三說皆有真見。學者所當宗師。

諸經不行三部辨

嘗聞仰觀者必因象以占其吉凶。俯察者必因地以辨其風土。遡流窮源。審末知本。乃一定而不可易者。謹按靈樞素難諸經載十二經脉間有走于手而皆不從三部過。祇有肺經俱從中焦而循兩手。至魚際。部即寸出大指端。然諸經既不行于三部。何由以診其病苦歟。生吉凶耶。叔和之謬。不待辨而明矣。今將諸經動脉起止開



南京中醫藥大學圖書館版權所有
1994

列于後。前賢雖已辨白。恐執

衆。不得不

一指謫也。明哲幸諒之。三錫識

十二經脉起止

肺脉起于中焦。循臂內上魚際。終于大指之端。

即少商穴

其支者從腕後

臂骨盡處爲腕

出大指次指之端

以交于大腸經也。

此經正屬寸口

手陽明大腸經起大指次指之端。從大指次指

之間。盡處爲合谷。一路爲臂之上廉。入肘外上

肩面終迎香。以交于足陽明胃經也。與右寸。

無干



足陽明胃經之脉起于鼻之交頰中下行屬胃絡大腸至足而終于厲兌足大指端以交于足大陰脾經也與右關無干。

足太陰脾經之脉起于足之大指之端上行終于臚中以交于手少陰心經也與右關無干。

手少陰心經之脉起于心中下絡小腸其支者

循臚下下肘內後廉小指一路終于小指之端

即少衝穴以交于手太陽小腸經也與左寸無干。

手太陽小腸之脉起于小指之端循臂外側左



右交于兩肩。下屬小腸。上行于

于耳中。即聽宮穴以交于足太陽膀胱經也。與左

無干。

足太陽膀胱之脉起于目内眦。下行絡腎。屬膀

胱。終于足小指。至陰穴以交于足少陰腎經也。與

左尺無干。

足少陰腎經之脉起于足小指。上行循喉嚨。挾

舌本。注于臚中。以交于手厥陰心包絡經也。與

左尺無干。



手厥陰心包絡經之脉。起于胸中。屬心下之包絡。入肘內之曲澤穴。行臂兩筋之間。入掌中。循中指出其端。而終。以交于手少陽三焦經也。脉行中指一路。亦與右尺無干。

手少陽三焦之脉。起于小指次指之端。

即無名指

行臂外兩骨之間。下絡膀胱其支者。從臙中而上耳。終于絲竹宮。而交于足少陽膽經也。小指一路與右尺無干。

足少陽膽經之脉。起于目銳眥。下胷中。絡膽屬

肝入足小指次指之間其支者自足跗出大指端以交于足厥陰肝經也。不行于手。

足厥陰肝經之脉起于足大指叢毛之際循陰器屬膽絡肝上貫膈循喉嚨之後上入頰頰連目系出額其支者從目系下行至中脘以交于手太陰肺經也。不行于手。

獨取寸口

難經一難曰。十二經皆有動脉。獨取寸口以決五臟六腑。死生吉凶之法。何謂也。然寸口者。脉

之大要會。手太陰之動也。人一呼脉行三寸。一吸脉行三寸。呼吸定息。脉行六寸。人一日一夜。凡一萬三千五百息。脉行五十度。周于身。漏水下百刻。榮衛行陽二十五度。行陰亦二十五度。故五十度復會于手太陰寸口者。五臟六腑之所終始。故法取于寸口也。

張三錫曰。五臟六腑之氣。晝夜循環。始于肺而終于肺。是肺爲一身之主氣。而寸口乃肺之動脉。所行之處也。特藉以候五臟六腑之氣。前賢

